

چند علیہ

مشيخت جليلہ اسلاميك جريدہ رسميه ميدير

۱۵ رمضان سنہ ۱۳۳۸

قیم نصابی

زید مفقود اولاد قده حاکم زیدک حالی متین اولنجیه قدر مالی حفظ ایچون زیدک
قرنداشی عمروی قیم نصب ایدوب زیدک مالی عمروه حفظ ایتدیرمکه قادر اولورمی
الجواب اولور .

* *

وصیت

زید شوقدر آچقه سنی اوغلی عمروه وصیت ایتدکدنصکره زید فوت اولوب عمروی
وسائر ورنه سنی ترک ایلسه سائر ورته وصیتی مجیزلر اولمایحق عمرو وصیت مرقومه یه
بناء ترکدن اولقدر آچقه نی المغه قادر اولورمی الجواب . اولماز .

کتابه الفقیر

دری زاده السید عبدالله

عفی عنهما

فتواخانه عالییه وقوعبولان مراجعات رسمیه اوزرینه اعطا اولنان

اجوبه شرعیه

استرداد عقار

قدری امضاسیله ۱۱ ربیع الآخر ۳۳۸ تاریخده فتواخانه یه بالورود، زید بالاجارتین
متصرف اولدیفی عقاری امر امیرالمؤمنین ایله عمروه فراغ وتسلیم ایدوب آرهدن اون
بش سنه مرور ایتدکسزین زید عقار مذکور عمرودن استردادده قادر اولوب اولمیه جغه
داثر واقع اولان استفتایه جوابدر :

§ زید مجرد فراغ واقعک امر امیر مستند وباطل اولدیفندن بحثله عقار مذکور
عمرودن استردادده قادر اولماز . ۲۶ ربیع الآخر ۳۳۸

* *

وکالت

محمد سعید امضاسیله ۶ کانون ثانی ۳۳۶ تاریخده فتواخانه یه بالورود، زید آخر بلده ده

بولنان عمروی فراغه وکیل ایوب توکیلدن آتی ماه مزور ایلسه حاکم موکک حیات و بماتی مجهول اولوب ایوم برحیات اولدینی تحقق ایتدیکه وکالت قبول اولنه ماز دیمکه قادر اولوب اولیه جغنک بیانه دایر استفتایه جوابدر :

§ موکک وفاتی تحقق ایتدیکه یاخود وکیلی عزل ایدوب خبر عزل وکیلی مومی الیه واسل اولمادیکه وکالت حکمی باقی و معتبردر .

۹ ربیع الآخر ۳۳۸

* *

وصایت

حافظ رفعت امضاسیله ۷ کانون ثانی ۳۳۶ تاریخده فتواخانهیه بالورود، صغارک آناری هند باجیت شرعیه وصی اولمادینی حالده صغارک اموالنده تصرفه قادره و علملرنده اقامه اولنان دعاویده خصم اولوب اولیه جغنه دایر واقع اولان استفتایه جوابدر :

§ مآله نظراً صغیرلرک و لیلری بولمادینی صورتده رأی قاضی انضمام ایتدیکه آناری صغارک اموالنده تصرفه قادره و صغارک علمیه اقامه اولنان دعاویده خصم شرعی اوله ماز .

۲۰ ربیع الآخر ۳۳۸

* *

فسخ اجاره

هاجر امضاسیله ۱۸ ربیع الآخر ۳۳۸ تاریخده فتواخانهیه بالورود، هند متصرفه اولدینی خانهسی تحتنده کی دکانی توتونجیلک ایتک اوزره زیده ایجار و تسلیم ایتدیکدنصکره زید بقاللق ایلسه هند اجارهیی فسخه قادره اولوب اولیه جغنه دایر اولان استفتایه جوابدر :

§ مآله نظراً دکان مذکور انحق توتونجیلک ایچون ایجار واستیجار ایدلش ایسه حادثده موجه مزوره عقد اجارهیی فسخه قادره اولور .

۴ جمادی الاول ۳۳۸

* *

هبه

سامی امضاسیله ۳۰ ربیع الآخر ۳۳۸ تاریخده فتواخانهیه بالورود، برسنه دن فضله مرض مزمنه مبتلا اوله رق مریض اولان زید مرض مذکور مشدو حالی متغیر اولمقسزین جمیع اموالی زوجیهسی هنده هبه و تسلیم ایلسه هبه مزبوره نک صحیح اولوب اولیه جغنه دایر واقع اولان استفتایه جوابدر :

§ مآله نظراً زيد مزبورك زوجة سینه بوجه محرر هبسی صحیح اولمغه ورثه
سأرد مذکور مال موهوبدن حصه ارثیه آلمغه قادر اولمازلر . ۷ جمادی الاولی ۳۳۸

* * *

زراعت

سید حسن امضاسیله ۳۱ کانون ثانی ۳۳۶ تاریخنده فتواخانیه بالورود، ایچ کوکیسی
اولان زید زوجة سی هندك بذر و بقریه چالیشسه محصولدن زیدك حصه سی اولوب اولمادیغنه
سأر اولان استفتایه جوابدر :

§ زید مزبورك زوجة سی هند ایچون زرع ایندیکی محصول کاملاً زوجة سیکدر .
۱۸ جمادی الآخر ۳۳۸

* * *

محرم

عثمان امضاسیله ۲۸ جمادی الاولی ۳۳۸ تاریخنده فتواخانیه بالورود، زیدك زوجة سی
هندك آخر زوجیدن اولان قیزی حقیقه فساد احتمالی متحقق اولورسه برأوده افاتلمری
خاخر اولوب اولمادیغنه دائر واقع اولان استفتایه جوابدر :

§ مآله نظراً مزبوره زیدك زیده کورونمسی جائز اولمادیگی کی برأوده یالکیز
قالملیغیه مساع شرعی یوقدر . ۹ جمادی الآخر ۳۳۸

(دارالحکمة الاسلامیه نشریاتی)

دیندار ایله دینسزك جمعیت بشریه ده کی موقعلمری

جمعیت بشریه ایچنده بر آدمك بلا مزاحم یشامق حق اولدیگی کی آخرك بو حقیقه
رعایتکار اولمسی ده آنك وظیفه سیدر. هر زده اولورسه اولسون برکتله انسانیه نك آهنگ
اجتماعیسی اخلاص و ابطال ایدن شی آنحق و آنحق اوراده فردك یالکیز حق شخصیسینی
طایوب آخرك حقیقه قارشى تجاوز و تعرضه منهك اولمسی و حق الغیره تجاوزایدکن کندینی
هر درلوقیوددن سرآزاده بيلمسی در .

انسان طبعاً حق الغیره قارشى دائماً متجاوز اولدیغندن قیود و حدود زاجر ددن مطلق